

بالجمله محررات در سعادت پوسته خانه سته
تصوف جریده سی نامه کوندر لیلیدر.
قوطلو نومروسی ۱۴۳

شرائط اشترا

سنه لکی ممالک عثمانیه ایچون
۳۰ غروش ، مصر و ممالک اجنیه
ایچون ۷ فراقدر .

تصوف

صاحب امتیاز و سر محرری
اورفه مبعوثی

شیخ صفوت

مرکز توزیعی باب عالی جاده سنده
جمعیت کتبخانه سیدر

نسخه سی ۲۰ پاره در

التصوف کله آداب : ابو حفص عمر بن مسلمه

عرفای امتک مقالات عارفانه لرینه تصوفک صحیفه لری آجیقدر

تصوفه متعلق مباحث شتادن باحث و مکالم اخلاق اسلامیتک تعمیمنه خادم مجله معنویه در

اسرار ابتلا

قال علیه السلام : اذا احب الله قوماً ابتلاهم

ائمه دین و اولیای کزین رضی الله تعالی عنهم اجمعین
حضر اتنک مناقب سینه لری : ذوات مشار الیهک کونا
کون اذا و جفایه ، رنکارنک بهتان و افتراه معروض
بولنش اولدقلرینی ناطقدر . بوباتلنک سر و حکمتی :
حدیث شریف نبوینک دلالتیه محبت مقدسه ربانیه و او
محبت مقدسه نک اقتضا ایلدیکی مراتب جلیله معنویه
کسب لیاقت ایچون محن و بلایا واسطه سیه تهذیب و تصفیة
روحانیه در . (اشد الناس بلاء الانبیاء ثم العلماء ثم
الصالحون) حدیث شریفی اوزره محن و بلایا : دائماً
نزد اقدس الوهیتده احراز ایدیه جک مراتبک علو
درجاتی نسبتده در . محبت الهیه نسبتده ابتلنک و ابتلا
نسبتده علوم مقام و اصطفاک ظهوری سنن سنیه
الهییه دندر . ایشته بو حکمت بالغه بناء حبیب خاص کبریا
وسید سالار انبیا علیه الصلوات و السلام افندمز حضر تلری
(ما و ذی نبی مثل ما و ذیت قط) حدیث شریفیه اشد
بلایه مبتلا اولان انبیای ذیشان علمیم صلوات الرحمن
آراسنده از هر جهت اتم و اکمل اولدقلرینه اشارت
بیورمشردر .

خفیه بی محتویدر از جمله حق تعالی حضر تلری محبت
ازلیه سیه مشرف بیوردیفی اعززه کرامه جفا و افترا ایله
خالقی مسلط ایلدیجکه کوره جک لری شدت نسبتده انلردن
اعراض ایله فاطر السماوات و الارض اولان ذات اقدس
الوهیت توجیه وجه عبودیتده دائماً مقام اصطفایه طوغرو
تقرب ایتمش اولورلر . (وجعلنا منهم ائمة یهدون بأمرنا
لما صبروا) آیت کریمه سی : اعززه کرام و احبای جنساب
رب الانامک انحق صبر و تحمل سایه سنده امامت و اصطفاک
تشریفات قدسیه سنه نائل اولدقلرینک برهان مینیدر .
حضرات اهل الله بوسرار خفیه آگاه بولندقلرندن
محن و بلایا بی کمال تسلیم و رضا ایله تلقی بیورمشردر .
زیرا انلرک انظار حقایق بین عارفانه لرنده بلیاتک ظهوری :
اصطفاای الهینک مقدمات خیره و مبشرات غیبیه سندندر .
کلبین رجالک هیچ برینه تصادف ایدلرک : عصرنده
خالقک اذا و جفا سته یاخود ارباب انکار و غوایتک دشنام
و افترا سته اوغرامش اولماسون ! رباعی : آتی اسرار
مذکوره نظر آ انشاد ایدلشدر :

(استتار الرجال فی کل عصر

تحت سوء الظنون قدر جلیل)

(مایضر الهلال و هو فی خدس

اللیل سواد السحاب و هو جمیل)

محبت الهیه نک ابتلا بی اقتضا ایلمی پک جوق اسرار

مالی : مردان راه یزدانك هر بر عصرده سوء ظنون آئنده استتار ایله دوچار اولملری انلر ایچون بر مرتبه جلیله در . مامتابان حد ذاتنده جمیل ونور افشان ایکن کیجه لك ظلمتنده بلوطلرك رنگ سواد افزای اكا نهضر ویره بیلیر ؟ دیمکدر .

شوراسی شایان دقتدرکه انمه دین ومشائخ کزین حضراتی دائما عقائد اسلامیه جهتندن ارباب حسدك طمن و افتراسنه هدف اولمشلردر . چونکه مشار الهم حضراتك بوتون حرکات و سککات علیه لری شریعت غرای اسلامیه وسنن سنیه نبویه به موافق بولنیفتندن ارباب حسد : اعمال ظاهره جهتندن افترا ایده جك اولسولر هیچ بر کیمسه به قبول استدیرمه جکلری ایچون امور خفیه دن اولان عقائد دینه طریقندن قلوب ناسه القای شبهاتی دها زیاده موافق بولمشلردر . خاتمہ مقال اولق اوزره ارباب ابتلاک علوم منزلیله مفتیلرك درکه جهل وغواتنی اخوان طریقنك نظرکه حقیقتلرنده اجمالاً تمثیل ایده بلمک ایچون صوف اهل اللهک علی الدرجات دوچار اولدقلری محن و بلیاتك مختصراً ایرادی فائده دن خالی دکدر .

انبیای ذیشان وبالخاصه سیدالاکوان علیهم السلام حضرتلرك زیاده بلیات شدیدیه مبتلا اولدقلری احادیث شریفنك دلالت صریحه سیله بیان ایدلش ایدی . بوطبقه مقدسه دن صوکره احباب کرامك ابتلاسی دخی لایعد ولا یخصادر .

ازجهه سلطان المفسرین عبدالله بن عباس رضی الله تعالی عنهما حضرتلرینه نافع ابن الازرق مسلط اولمش و قرآن کریمی کیفته کوره تفسیر ایدیور دیهرک دائما اذا و جفا ایتمکده بولنش ایدی .

عبدالله بن زبیر حضرتلری (عبدالله کأنك تراه فان لم تکن تراه فأنه یراک) حدیث شریفنده بیان بیوریلان مقام احسانك کلکین ارباب شهود وعرفاندن بولغله نماز قیلارکن حضور خاص التهنیک مهیبت و جلالندن سرابا بر خوف و خشیت ایچنده بولنور

ایدی . ارباب غفلت بو حالت روحانییه یی ریا و نفاقه حل ایدرک کویا برای تجربه بر دفعه نمازده ایکن باشنه قایلار صو دوکشلر ایدی . مشارالیه ایسه آنحقی نمازدن فارغ اولدقدن صوکره آلام و اوجاعنی حس ایلمک باشلامش ولدی السؤال کفیبی آکلاخجه یالکزر (حسبنا الله ونعم الوکیل) جوابیله اکتفا بیورمشدر .

عشره مبشره دن سعد ابن ابی وقاص حضرتلری خلافت فاروقیده کوفه والیسی ایکن بر طاقم جهله لك جفاسنه مبتلا اولمش و کویا نمازی درست قیلدنیفتندن طولانی جناب فاروقه شکایت اولنش ایدی . انمه اربعه حضرتانه کلنجه حبس ، ضرب ، اخفا و هجرت کبی مصائب شدیدیه مبتلا اولدقلری مناقب سنیلرنده مفصلاً بیان ایدلشدر .

امام بخاری حضرتلری دخی بخارادن خرتنك قریه سنه نفی و تبعید ایدلش ایدی .

ابو یزید بسطامی حضرتلرینك ده عقائد دینه سنه طمن ایدلمکده بدی دفعه بسطام شهرندن نفی ایدلدیکی مرویدر . ذوالنون مصری حضرتلری دخی دیسنلرك ایله اتهام ایدلش و اللری ایقلری باغلی اوله رق مصردن بغداده قدر محن عظیمه ایله سوق ایدلشدر .

سهیل بن عبدالله استری حضرتلری مسلم انام اولان امامت و جلالیله برابر الحاد و زندقیه نسبت ایدیلهرک تستردن بصریه تبعید اولنش و وفاتنه قدر بصره ده اقامت ایلشدر . ابو سعید خراز ایله جنیبد بغدادی

حضراتی دخی عین تهمة مبتلا اولمشلر ایدی . محمد ابن فضل بلخی حضرتلرینه ده کفر و زندقه ایله اتهام ایتمش و بلخك سوقاقلرنده حقاترله شهیر ایدرک تبعید ایشلردر .

امام یوسف بن حین رازی حضرتلری دخی عین مصیبتنه گرفتار اولغله ملککشدن تبعید ایدلش و ینه عین صورته ابو عثمان مغربی حضرتلری ده مجاهدات و کالات عظیمه سیله برابر ضرب شدید ایله المناک اولدقدن صوکره مکة مکرمه دن اخراج اولنش ایدی .

فیض و عرفانسه ملازمت و بالآخره خلیفه محترملری
حسن افندی مرحومک هم قدسیله تکلمات معنویه
کسب مظهریت ایلشدر .

رئیس ثانی اسعد افندی حضرتلرینک ایسه کال فضیلت
و علو مقام رشادتلرینه تصوفک نسخ سابقه سنده اشارت
ایدلش ایدی . ایشته جمعیت مذکورنک مشارالیماکبی
اکابر عرفای امتک حسن انظار و همترلرله تشکلی ایتسی
طریق علیهنک بعونه تعالی اعتلای شان و شرفی ناعنه
بر اشارت معنویه و بر بشارت لدنیه اولوق اوزره تالی ایدر
و موقیقت کامله ایله مساعی مبروره و مآثر مشکوره
مظهریتنی الطاف مقدسه ربانیه دن تمی و نیاز ایلرز .
اسعد افندی حضرتلرینک مراسم افتتاحیه ده ایراد
ایلدکلری خطبه بلیغه مرشدانهلری بروجیه زیر تبرکاً
تحریر ایدلشدر .

••

شمس تابان شریعت و خورشید رخشان طریقتک
دور منحو س استبدادک صفحات مظلمه سنده مستور و کافه
هترمندان طرفندن صرف مساعی ایله تنویر و تحکیمی
ناقد دور بولنمش اولدینی سامعین کرامک معلوم و مسلمیدر
عالم اسلامینک بادی نکبتی اولان او حادثه خارقه و صاعقه
محرقه نک حصوله کتیرمش اولدینی انده اش ذهنی و ارتعاش
فکرینک رسیده حد کمال اولسنی تقدیر ایدن علم و قدیر
حضرتلری عبادینه رأفت و قوللرینه عنایتله دور دلارای
حریت و زمان مسعدت نشان مشروطیتی کمال شوکت
و شان ایله احسان بیوردی بزم انجمن برنجی وظیفه عالم
اسلامینک تدنیدن ترقیسنه و توفیق تعالیسنه سببیت
و یرن و حقیقه شایان تجسس و تقدیس بر خدمت خدا
بسنده ایه موفقی اولان و دها طوغرومی جان عزیزنی
وطن و ملتک سلامته فدا ایتمکه آماده بولنان ذوات
کرامک ادای شکرانیدرسین و فیرمه دنبری مشرف خراب
اولان ملکک اعمارینسه ، نواقصلرینک اکالنه کال
موقیقتلرینک تکرار دعوتیدر ثانیاً معلوم اولدینی کبی
انسانلر دنیاده اولسون عقیده اولسون نائل سعادت

ابو مدین مغربی حضرتلری ده زندقه ایله تکفیر
ایدیلهرک بحایه شهرندن تلسانه تبید اولنمش و امام ابو
الحسن شاذلی حضرتلری دخی عین فلا کته اوغرامشدر .
تاج الدین سبکی حضرتلری دخی شرب خر ایله
لواطنک اباحتنه قائل اولوق و خفیه زنار باغلامق کبی
اسنادات باطله ایله شامدن مصره قدر الاری ایقلری
باغلی اوله رق سوق ایدلشدر . ایشته بو ذوات کرام
و اولیاء الله عظام قدس الله تعالی اسرارهم حضرتلرینک
(اذا احب الله قوماً ابتلاهم) حدیث شریفنک سر لطیفنه
تمامیه مظهر اولدقلرینه بجملاً اشارت ایدیلان ابتلای
کونا کون : صورت قطعیه ده دلالت ایتمکه در . ان فی
ذلک لعبره لا ولی الا بصار .

جمعیت صوفیه

شیخ الاسلام موسی کاظم افندی حضرتلرینک
ریاست فخریه سی و کلامی درگاه شریفی سجاده نشین
ارشادی شیخ محمد اسعد افندی حضرتلرینک ریاست
ثانیه سیله عننه تعالی تشکلی ایدن جمعیت صوفیه نک رسم
افتتاحی کچن نجشبه کونی طوبقو تراوای جاده سنده
منلا کورانی جامع شریفنک قارشو سنده کائن جمعیتک
دائرة فاخره سنده طرق علیه مشایخ کرامندن پک چوق
ذوات ذوی الاحترام حاضر بولیدقلری جالده ایفا ایدلش
و مولد مقدس جناب رسالتیناهی منقبه مبارکه سنک
فیوضات روحانیه سیله ملک و ملتک دعوات خریه سی
ترتیل و تلاوت اولنمشدر .

ریاست فخریه ایله جمعیت مذکوره شرف بخش اعتلا
اولان مشارالیه موسی کاظم افندی حضرتلری طریقت
علیه خالده نک اجله ارباب نسبتندندر طول مدت عرفای
سادات صوفیه نک کلات قدسیه و معارف انسیله لرینی تدقیق
و تتبع ایله علم جلیل تصوفک مباحث عالیه سنه دائر آثار
نادرنک ترجمه و تالیفنه موفقی اولشلردر پک چوق زمانلر
اعظم کماین صوفیه دن کشخانیه لی مرحومک روضه الجنان